



**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 15. De infelicitate peccatoris in rebus adversis.

[urn:nbn:de:hbz:466:1-60533](#)

December. annon potius lumini cum tenebris conveneret, quam Christo cum mundo? tu tamen id intendis.

Scrutare cor tuum, ut videas, an id divinum non sit; & statue id totum penitus Deo donare: si minus, nulla ejus pars ad Deum spectabit.

Divisum est cor eorum; nunc interibunt; ipse confringet simulacra eorum.
Osee 10. 2.

Sufficis tu DEO, non tibi sufficit DEUS. Ambr.

DIES XV.

De Infelicitate Peccatoris In rebus adversis.

I.

PEccator duplicit miser est in rebus adversis, tum ob malum, quod patitur, tum ob modum, quo id patitur: si quod infortunium incurrat, vel bonorum suorum, vel hominis cuiusdam, quantum fulcro nitebatur, jacturam faciat; absque levamento, absque solatio patitur, & vix non ad desperationem adgitur. Unde námque levamentum, &

sq.

solatium peteret ? an è recordatione eo- December.
rum , quæ transière ? hæc omnia eum
perplexum restunt ; cùm videat tot la-
bores, quibus inutiliter se impedit : tot
sceleræ , quæ admisit , sine ullo alio fru-
ctu , si confusionem excipias , quæ ipsi re-
manet , & funestam forsitan desperationem .
An ex animi sensu de præsentibus ? hæc ipsi
sunt continua doloris causa ob recordatio-
nem mali , à quo cogitationem suam a-
vertere nequit , cùm fulciri fide non pos-
sit , utpote , quæ in ipso debilis est , nec à
gratia divina , qua privatus est , roborari ,
nec ab unctione Spiritus sancti , quæ o-
mnes dolorum amaritudines dulces reddit ,
solatium , & levamen accipere , cùm eâ
se indignum reddiderit . An aliquid ho-
rum quæreret in consideratione futuro-
rum ? Ah ! isthæc consideratio ipsius af-
flictionem , & desperationem ad extrema
deducit , cùm in illa videat , omnia sibi
metuenda ; vita ipsius perversa ei ansam
præbet credendi , se his malis tempo-
raneis non liberandum , nisi ubi mala æ-
terna fuerit ingressus .

II. In quam igitur partem peccator se
verteret , adversâ suâ fortunâ obrutus ? an
à se ipso exhibet , inquit S. Augustinus ,
opem quæsitus ? At foris ablata sunt o-

S mmia,

December. *mnia, non est, quod exeat, quia dura sunt.*
An ad Deum confugiet? Ah! eum vel
non cognoscit; vel exiguum Potentiae, &
Bonitatis ipsius idæam habet. Qua igitur
ratione fiduciam suam in eo collocabit?
Verum, tametsi ad ipsius confugeret opem,
an non causam timendi haberet, ne ab eo
repelleretur illis verbis, quibus perfidi

*Douter, 31.
v. 37. & 38.*

Israëlitæ fuere repulsi: Ubi sunt dij eorum,
ajebat, in quibus habebant fiduciam? - - -
surgant, & opitulentur vobis. An miser
peccator se convertet ad mundum, quem
sibi Deum elegit, cui omnia consecravit?
mundus iste perfidus est, proditor est,
etumque prodit, & deserit, posthabitis
promissis, & spe, quibus illi illuserat.
An solarium quæsitus amicos suos adi-
bit? quam pauci eorum sunt in adversa
fortuna constantes? Diceres sanè, homi-
nem aliquem infelicem contagiosa qua-
dam lue affectum esse, quem omnes fu-
giunt, & aversantur: & amicorum ali-
quis adeò generosus irveniretur, qui
hujus infelicitatis partem in se suscipe-
ret vellet; hæc tamen pars, onus ei non
redderet levius.

III. An peccator infelix ad seipsum re-
 dabit, solarium in se quæsitus, inquit S.
 Augustin. *Non est, quod intret, quia mala sunt.*

In

In conscientia nullum solatium. An levamen aliquod in testimonio conscientiae suae quæreret? Hæc ipsa est, quæ crudelius ipsum cruciat. In quamcunque se partem vertit, non invenit, nisi perturbationem, nisi confusionem; non audit, nisi probra, nisi angores; nec videt, nisi scelerata, & quidem scelera omnibus voluptatibus, & illecebris destituta, quæ eum tantopere fascinârant, cùm prosperâ gauderet fortunâ; cujus modò nihil amplius ipsi superest, præter acerbam ejus memoriā, præter confusionem infructuosam, præter pœnitudinem inefficacem, & propterea inutilem, & desperationem funestam. Vide, quò collimet impiorum fallax, & brevis prosperitas. An hujus tibi cupiditas incessit? Vel potius: an non eam cum timore, & horrore intueris?

Si tantum animi non habes, ut virtutem ames, virtutis causâ; saltem causam habes odio prosequendi vitium ob funestos ejus effectus.

Blasphemaverunt Deum Cœli præ doloribus, & vulneribus suis; & non egerunt pœnitentiam. *Apoc. 16. 11.*

Non est grave plagis affici; sed plagâ non meliorem effici gravissimum est.
Greg. Naz.

S 2

DIES